



Broj: 02-16-3-861-27/16

Tuzla, 28.09.2016. god.

Na osnovu člana 61. Zakona o upravi („Službeni glasnik BiH“, broj: 32/02 i 102/09), člana 64. stav (1) tačka b), člana 70. stav (1), (3) i (6) i člana 89. Zakona o javnim nabavkama („Službeni glasnik BiH“ broj: 39/14), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14), člana 16. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-83/15 od 11.02.2015. godine, na Preporuku Komisije za nabavku usluga štampanja dokumenata broj: 02-16-3-861-24/16 od 28.09.2016. godine, u postupku javne nabavke usluga štampanja dokumenata direktor Agencije za antidoping kontrolu Bosne i Hercegovine **d o n o s i:**

O D L U K U

o izboru najpovoljnijeg ponuđača za nabavku usluga štampanja dokumenata

Član 1.

Prihvata se Preporuka Komisije za nabavku usluga štampanja dokumenata, broj: 02-16-3-861-24/16 od 28.09.2016. godine i ugovor za nabavku usluga štampanja dokumenata za potrebe Agencije za antidoping kontrolu BiH dodjeljuje se ponuđaču OFF-SET d.o.o. sa sjedištem na adresi Otokara Keršovanija 78, 75 000 Tuzla, ponuda broj: 343/16 od 23.09.2016. godine, ponuda primljena 26.09.2016. godine, za ponudenu cijenu od 6.887,50 KM bez PDV-a, kao najbolje ocijenjenom ponuđaču odnosno kao najbolje ocijenjena ponuda.

Član 2.

Ponuđač OFF-SET d.o.o. dostavio je najbolje ocijenjenu ponudu broj: 343/16 od 23.09.2016. godine, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine (u daljem tekstu: Zakon) u iznosu od 6.887,50 KM bez PDV-a, koja ispunjava sve formalno pravne uvjete tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

Član 3.

Izabrani ponuđač je dužan u roku od pet (5) dana od dana dostavljanja ove Odluke dostaviti originale ili ovjerene kopije dokumentacije iz člana 45. stav (2) tačka a), b) i d) Zakona.

Član 4.

Po pravosnažnosti ove odluke, ugovorni organ pozvat će izabranog ponuđača, iz člana 1. ove Odluke, radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima -uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 5.

Ova Odluka objaviće se na internet stranici Agencije za antidoping kontrolu Bosne i Hercegovine (www.ada.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

Član 6.

Za izvršenje ove Odluke zadužuje se Sektor za administraciju, međunarodnu saradnju i odnose sa javnošću.

Član 7.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke usluga štampanja dokumenata za potrebe Agencije za antidoping kontrolu BiH za 2016. godinu putem konkurentskog zahtjeva broj: 02-16-3-861-2/16 od 07.09.2016. godine. Javna nabavka je provedena putem konkurentskog zahtjeva za dostavu ponuda. Procjenjena vrijednost javne nabavke bez PDV-a je 7.948,71 KM.

Komisija za javnu nabavku imenovana je Rješenjem broj: 02-16-3-861-3/16 od 07.09.2016. godine.

Obavještenje o nabavci broj: 372-7-2-61-3-13/16 objavljeno je na Portalu javnih nabavki 16.09.2016. godine kao i tenderska dokumentacija.



Tendersku dokumentaciju sa portala javnih nabavki preuzeli su sljedeći ponuđači:

1	TMP Društvo za zapošljavanje slijepih i slabovidnih lica d.o.o Sarajevo	10	MURIX DOO
2	Infostrim d.o.o.	11	PLANJAX KOMERC
3	GRAFOTEX D.O.O. BANJA LUKA	12	REPRO-KARIĆ d.o.o.
4	BBS Europe	13	COMPEX D.O.O.
5	OFF-SET	14	KONICA MINOLTA POSLOVNA RJEŠENJA BH D.O.O.
6	Europrint	15	"Comesgrafika" d.o.o. Banja Luka
7	"Svjetlost-BH print" d.o.o. Sarajevo	16	KOPIKOMERC
8	Agencija Aligo	17	PČELICA M d.o.o.
9	PLAN PLUS D.O.O.	18	A Dizajn doo

Rok za podnošenje ponuda bio je do 27.09.2016. godine do 13,00 h.

Zapisnik o otvaranju ponuda broj: 02-16-3-861-22/16 od 27.09.2016. godine dostavljen je svim učesnicima postupka nabavke 27.09.2016. godine i to putem e-maila.

Komisija za javnu nabavku dostavila je 28.09.2016. godine rukovodiocu ugovornog organa Zapisnik o pregledu i ocjeni ponuda broj: 02-16-3-861-23/16, Preporuku o izboru najpovoljnijeg ponuđača broj: 02-16-3-861-24/16 i Izvještaj o radu broj: 02-16-3-861-25/16, u postupku javne nabavke - Konkurentski zahtjev za dostavu ponuda za nabavku usluga štampanja dokumenata za potrebe Agencije za antidoping kontrolu BiH.

U postupku po Izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno tri (3) ponude,
- da su blagovremeno primljene ukupno tri (3) ponude,
- da nije bilo neglavovremeno zaprimljenih ponuda,
- da su ponude ponuđača OFF-SET d.o.o. i REPRO-KARIĆ d.o.o. kvalifikovane i prihvatljive te da su dostavljeni svi traženi dokazi propisani tenderskom dokumentacijom, na propisan način,
- da se ponuda ponuđača A DIZAJN d.o.o. Sarajevo, odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14) i člana 68. stav (4) tačka j) iz razloga jer navedeni ponuđač nije dostavio tražene dokaze na propisani način o ispunjavanju uslova tehničke i profesionalne sposobnosti iz člana 48. stav 2. Zakona o javnim nabavkama kao i što izjava iz člana 52. Stav (2) Zakona o javnim nabavkama nije dostavljena na ispravan način.

Ponuda ponuđača A DIZAJN d.o.o. Sarajevo nije prihvatljiva iz sljedećih razloga odnosno nije kvalifikovan iz razloga jer nije dostavio sljedeće dokaze tražene tenderskom dokumentacijom:

1. Ponuđač je dostavio Aneks 4 „Izjava o ispunjenosti uslova iz člana 45. stav (1) tačaka a), b) i d) Zakona o javnim nabavkama“ ali je isti ovjeren samo od strane ponuđača (nije ovjeren od strane nadležnog organa). Članom 45. stav (4) Zakona o javnim nabavkama („Službeni glasnik BiH“ broj 39/14) propisano je da „Kandidat/ponuđač u svrhu dokaza o ispunjavanju uslova iz stava (1) ovog člana dužan je dostaviti izjavu ovjerenu kod nadležnog organa, u formi i na način koji propisuje Agencija podzakonskim aktom“. Članom 21. stav (1) Uputstva za pripremu modela tenderske dokumentacije i ponuda („Službeni glasnik BiH“ broj 90/14) propisani su Aneksi.
2. Ponuđač je dostavio Aneks 5. „Pismena izjava u vezi člana 52. stav (2) Zakona o javnim nabavkama ali je isti ovjeren samo od strane ponuđača (nije ovjeren od strane nadležnog organa). Članom 52. stav (2) Zakona o javnim nabavkama („Službeni glasnik BiH“ broj 39/14) propisano je da „Svaki kandidat/ponuđač dužan je uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci“ a članom 21. stav (1) Uputstva za pripremu modela tenderske dokumentacije i ponuda („Službeni glasnik BiH“ broj 90/14) propisani su Aneksi.
3. Nije dostavljen dokaz tražen tačkom 3.2 stav d) tenderske dokumentacije. Tačkom 3.2 tenderske dokumentacije definisani su tehnička i profesionalna sposobnost ponuđača odnosno kvalifikacijski uslovi koje ponuđači moraju ispuniti da bi učestvovali u predmetnom postupku javne nabavke a tačkom 3.2 stav d) navedeni su potrebni dokazi: „Ponuđač je dužan dostaviti spisak najmanje tri (3) izvršena ugovora predmetne nabavke u posljednje dvije (2) godine uz potvrdu koju daje druga ugovorna strana o njihovoj realizaciji [vrijednost ugovora može biti i manja od vrijednosti ugovora ovog postupka]. Ovim dokazima potvrđuje da je uspješno učestvovao na istim ili sličnim poslovima;

Ponuda ponuđača A DIZAJN d.o.o. Sarajevo se odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14) i člana 68. stav (4) tačka j) iz razloga jer navedeni ponuđač nije dostavio tražene dokaze na propisani način o ispunjavanju uslova tehničke i profesionalne sposobnosti iz člana 48. stav 2. Zakona o javnim nabavkama kao i što izjava iz člana 52. Stav (2) Zakona o javnim nabavkama nije dostavljena na ispravan način.



U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač OFF-SET d.o.o. Tuzla, najbolje ocijenjen primjenjujući kriterij najniže cijene koja je ponuđena u iznosu od 6.887,50 KM bez PDV-a dok su ostali ponuđači čije su ponude prihvatljive ponudili sljedeće cijene:

2) REPRO-KARIĆ d.o.o. Tuzla – ukupna cijena ponude je 7.750,00 KM bez PDV-a

Naziv ponuđača čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU		
1	Naziv/ime ponuđača	OFF-SET d.o.o.
2	Sjedište i adresa	Otokara Keršovanija 78, 75 000 Tuzla
3	ID broj:	4209109760006
4	Ukupna cijena ponude bez PDV-a	6.887,50 KM
5	Ukupna cijena ponude sa PDV-om	8.058,37 KM
6	Rok plaćanja	30 dana
7	Važenje ponude	60 dana od dana isteka roka za prijem ponuda tj. do 26.11.2016. godine

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama („Službeni glasnik BiH“ broj: 39/14) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

RAVNATELJ

Slavko Matić

Dostavljeno:

1 x OFF-SET d.o.o. Tuzla
1 x REPRO-KARIĆ d.o.o. Tuzla
1 x A DIZAJN d.o.o. Sarajevo
1 x Povjerenstvo za javne nabave
1 x a/a